



Cor Poist ón nGaelAonad Iar-bhunscoile do Mhárta 2025

A Chomh-mhúinteoir, a chara,

Bíonn mí an Mhárta an-ghnóthach ar scoil le ceiliúradh éagsúla- táimid ag súil go mór le Lá Fhéile Pádraig ar an 17 Márta agus dar ndóigh an fhéile Ghaeilge is mó in Éirinn, Seachtain na Gaeilge ó 1-17 Márta.

Tá súil againn go mbainfidh sibh taitneamh as an gcéiluradh,
Ó Fhoireann Iar-bhunscoile an GhaelAonaid



Tionól Teagasc 2025- Coinnigh an dáta

Tá áthas ar Fhoireann na hIar-bhunscoile a fhógairt go mbeidh Tionól Teagasc 2025/2026 ar siúl **Dé Sathairn, 8 Samhain, 2025 in Óstán Killeshin i bPort Laoise**. Beidh tuilleadh eolais le teacht.



Acmhainní chun tacú le teagasc agus foghlaim na Gaeilge le linn Sheachtain na Gaeilge ar fáil ar shuíomh Oide.ie

Tá neart acmhainní le roinnt againn libh chun tacú le teagasc agus foghlaim na Gaeilge atá le fáil ar shuíomh Oide.ie faoi láthair. I measc na n-acmhainní seo, tá leabhrán nua 'Leabhrán Sheachtain na Gaeilge' curtha le chéile ag Oide atá breac le gníomhaíochtaí, cluichí, acmhainní agus neart eile. Tá spleáchadh ar cheann de na cluichí thíos. Tá an leabhrán le fáil ag an nasc [seo](#).



Leabhrán Sheachtain na Gaeilge



Cluichí agus acmhainní chun tacú le múinteoirí le linn Sheachtain na Gaeilge



Spléachadh ar ghníomhaíocht ar leith ón Leabhrán

Tá babhtáí de ‘Tráth na gCeist’ atá thar a bheith suimiúil agus taitneamhach do scoláirí le himirt le linn Sheachtain na Gaeilge. Tá ceisteanna agus freagraí ann chun tacú leis an múinteoir. Bainfidh scoláirí ó Bhliain 1 go Bliain 6 spraoi as an Tráth na gCeist seo.

Babhta a Dó:

1. Cén abhainn ar a bhfuil cathair Chorcaí suite? An Laoi.
2. Cad í príomhchathair Chúige Chonnachta? Gallimh.
3. Cad iad dathanna Aontrom ar an bpláic imeartha? Dubh agus Dearg.
4. Cén t-ainm eile atá ag an gortae Tír Chonaill? Dún na nDall.
5. Seolann báid ó ‘Holyhead’ i Sasana chuig cén baile in Éirinn? Dún Laoghaire – BÁC.
6. Cé mhéad contae i gCúige Mumhan? 6.
7. Cén contae a bhfuil an méid is mó Craobh na hÉireann acu san t-omáiloch? Cill Chainnigh.
8. Cén contae a bhfuil an méid is mó Craobh na hÉireann acu sa Pheil? Ciarraí.
9. Cén t-ainm atá ar an bhfear sneachta sa scannán ‘Frozen’? Olaf.
10. Cé mhéad deirfúr atá ag Elsa, an bhanphrionsa sa scannán ‘Frozen’? 1.

36

Oide.ie



Oide
Tacú leis an bhFoghlaim
Ghairmiúil i measc Ceannairí
Scoil agus Múinteoirí

M.Oid san Oideachas Lán-Ghaeilge agus Gaeltachta, Coláiste na Tríonóide, BÁC.

Cuirtear fáilte roimh iarratais ar an M.Oid san Oideachas Lán-Ghaeilge agus Gaeltachta i Scoil an Oideachais, Coláiste na Tríonóide.

Is cúrsa solúbtha é seo a réachtáiltear ar bhonn páirtaimseartha thar dhá bhliain agus díróinn ábhar an chúrsa go sonrach ar riachtanais ghairmiúla múinteoirí agus ceannairí scoileanna i scoileanna Lán-Ghaeilge agus Gaeltachta.

Tá an cúrsa á mhaoiniú ag an Roinn Oideachais, agus mar sin, ní bhíonn le díol ag rannpháirtithe an chúrsa ach 650 euro in aghaidh na bliana.


Tá tuilleadh eolais faoin gcúrsa le fáil ag an nasc [seo](#).



Cúinne na Léitheoireachta ‘Deirdre’

Is scéal bunaithe ar cheann de mhórscéalta na Rúraíochta é scéal Dheirdre agus Chlann Uisnigh, atá mar rogha ar Ábhar Dualgais do Scrúdú Gaeilge na hArdteistiméireachta i mí an Mheithimh, 2027.

Tugtar léargas dúinn sa leagan nua seo den scéal ar ghrá Dheirdre agus Naoise, agus an raic a cruthaíodh in Éirinn dá bharr. Is é Darach Ó Scolaí údar an leagan nua, agus is í Anastasia Melnykova a rinne an obair ealaíne ghleoite.





Múinteoirí Gaeilge T1 na Sraithe Sóisearaí

Ar mhaith leat do ghuth a bheith san áireamh agus an leagan nua den téacsleabhar *Dúchas* á chur le chéile?

Déanfaidh Ciara Ní Shé ó Phobalscoil Chorca Dhuibhne éascaitheoireacht ar sheisiún aiseolas ar *Dúchas* in Ionad Oideachais Luimnigh ar an gCéadaoin, 12 Márta.

Díolfar as ionadaíocht do mhúinteoir amháin ó gach scoil.

Is féidir clárú [anseo](#).

MÚINTEOIRÍ GAEILGE T1 NA SRAITHE SÓISEARAÍ

Ar mhaith leat leagan nua den téacsleabhar *Dúchas*?

Fonn ort a bheith páirteach le múinteoirí eile ó scoileanna T1 chun do thuarimí a nochtadh?

Cén moltai a bheadh agat don leagan nua?

DE CÉADAIDIN
12 MÁRTA 2025

10:30 AM -
3:30 PM

IONAD OIDEACHAIS LUIMNIGH
10 UIRLÍR, TEACH MARSHAL,
BÓTHAR THUAR AN DAILL,
LUIMNEACH V94-HA64

Aisitheoir: Clara Ní Shé,
Pobalscoil Chorca Dhuibhne

Cuirfear lón agus soláistí ar fáil.

Díolfar as ionadaíocht do mhúinteoir amháin ó gach scoil.

Má ritheann aon cheist leat, fáiltimid roimh chomhfhreagras uait. Níl le déanamh agat ach ríomhphost a sheoladh chuig eolas@oide.ie

Is muidne le meas,
Foireann na Gaeilge Iar-bhunscoile, Oide.

Beatha teanga í a labhairt, buanú teanga í a scríobh, bláthú teanga í a léamh.